



**Republika e Kosovës**  
Republika Kosova  
Republic of Kosovo



**Kuvendi i Komunës Kaçanik**  
Skupština Opština  
Municipal Assambly  
- Komiteti për Politikë dhe Financa-

01Nr. 16-5627//2015  
Kaçanik, 19.02.2015

**RAPORT**  
**I KOMITETIT PËR POLITIKË DHE FINANCA,**  
**për vitin, 2014**

**Kaçanik, shkurt, 2015**

## Hyrje

Komiteti për Politikë dhe Financa (KPF-a) si trup i përhershëm punues i Kuvendit është formuar me Vendim të Kuvendit të Komunës 01Nr.16-2234./14 më datë: 31.01.2014, në përbërje:

1. Xhelal Gashi, PDK, kryesues sipas funksionit,
2. Sabedin Vishi, PDK, anëtar,
3. Arbnora Kuka, PDK, anëtar,
4. Tahir Caka, AAK, anëtar,
5. Hajdar Loku, AAK, anëtar,
6. Selim Reka, LDK, anëtar, dhe
7. Basri Kodra, LVV, anëtar,

Me Komitetin për Politikë dhe Financa, udhëheq Kryesuesi i Kuvendit të Komunës, Xhelal Gashi, sipas funksionit që e ka. Mandati i KPF-së është i lidhur me mandatin e Kuvendit të Komunës. Përbërja e Komitetit për Politikë dhe Financa reflekton përfaqësimin e etniteteve politike në Kuvendin e Komunës.

Kjo përbërje pas një periudhe kohore pëson ndryshime, me atë që anëtari, Basri Kodra nga LVV jep dorëheqje nga ky subjekt politik për të vepruar në kuvend i pavarur, ndërkaq zëvendësimi i tij në KPF-a bëhet me datë 31.10.2014 me Vendim të Kuvendit të Komunës 01Nr. 16-33582/14 me anëtarin e kuvendit, Raif Kasa nga LVV. Në aspektin e spektrin politik kemi ndryshime, ashtu që anëtari, Hajdar Loku pas një periudhe të caktuar jep dorëheqje nga subjekti politik i AAK dhe kalon në subjektin politik të PDK.

### **Përgjegjësitë;**

Sipas nenit 52.2 të Ligjit Nr.03/L-040 - për Vetëqeverisje Lokale, KPF-a është përgjegjës për shqyrtimin e të gjitha politikave, dokumenteve fiskale dhe financiare, planeve dhe iniciativave, duke përfshirë edhe dokumentet e planifikimit strategjik, Kornizën vjetore buxhetore afatmese, planin vjetor të prokurimit, rregulloren vjetore të tarifave dhe ngarkesave, planin vjetor të punës së auditimit të brendshëm, buxhetin vjetor afatmesëm dhe çdo ndryshim të buxhetit të komunës gjatë vitit fiskal si dhe marrjen e raporteve nga kryetari i komunës dhe dorëzimin e rekomandimeve në kuvendin e komunës.

### **Aktiviteti;**

Sipas Ligjit Për Vetëqeverisjen Lokale dhe Statutit të Komunës, si dhe kompetencave të bartura nga Kuvendi i Komunës (kompetencës për ndërrimin e destinimit të tokës bujqësore në tokë ndërtimore) KPF-a për gjatë periudhës raportuese është munduar që në suaza të kompetencave të veta t'i realizoj detyrat të cilat janë parashtruar.

Në këtë drejtim me angazhimin e vet, kjo trupë punuese është munduar që të formuloj aso zgjidhje dhe t'i hulumtoj drejtimet me adekuate për zhvillimin e komunës, e më këtë krijimin e kushteve për një jetë sa me të mirë të qytetarëve të komunës. Veprimtarinë e vet e ka orientuar në fusha të ndryshme të cilat me legjislacionin në fuqi i janë lënë në kompetencë. Kjo veprimtari gjatë periudhës raportuese ishte mjaft e gjërë, paraqitën nevoja të ndryshme dhe ky komitet ka arritur në një masë t'i realizoj detyrat të cilat janë parashtruar, por asesi nuk është i knaqur pasi që nevojat e shumëta të qytetarëve të komunës na bëjnë që edhe më tutje të angazhohemi në zgjidhjen e çështjeve jetike. Aktiviteti i Komitetit për Politikë dhe Financa është zhvilluar në takime të rregullta mujore. Gjatë

periudhës raportuese ky komitet ka mbajtur gjithsej 10 mbledhje të rregullta. Mbledhjet e Komitetit për Politikë dhe Financa kanë qenë të suksesëshme dhe konstruktive. Angazhimi i anëtarëve të KPF-a ka qenë në nivel të duhur. Prezenca e anëtarëve të këtij komiteti mund të vlerësohet se ka qenë e rregullt. Në mbledhjet e KPF-së ka mbretëruar një frymë e punës dhe e bashkëpunimit në mes të subjekteve politike të përfaqësuara në këtë komitet, disa çështje që kanë qenë në interes të përgjithshëm të komunës janë aprovuar njëzëri. Për të gjitha mbledhjet e KPF-a është mbajtur Procesverbal i cili ruhet me pedantëri dhe është transparent në çdo kohë.

Në takimet e KPF-së janë shqyrtuar çështje të ndryshme në interes të komunës. Për çështjet e shqyrtuara në këtë komitet janë marrë edhe vendime adekuate, apo iu kanë rekomanduar organit vendimarrës- Kuvendit të Komunës për shqyrtim dhe vendosje. Për të gjitha çështjet të cilat është dashur të debatohet Kuvendi i Komunës në seancën e vet, kjo trupë punuese paraprakisht i ka shqyrtuar dhe e ka dhënë mendimin e vet. Në këtë drejtim ka shqyrtuar 36 çështje për të cilat i ka Rekomanduar Kuvendit të Komunës marrjen e vendimit adekuat.

Duke marrë parasysh natyrën e çështjeve të cilat janë parashtruar ka marrë gjithsej 7 Vendime brenda kompetencave të veta dhe atyre të bartura nga kuvendi, për të cilat ka konsideruar se janë në të mirë të zhvillimit të komunës apo interesave të qytetarëve të komunës. Po ashtu në çdo mbledhje të KPF-së është aprovuar procesverbali i mbledhjes së kaluar të KPF-së. Vlenë për t'u theksuar se për çdo çështje që ka aprovuar ky komitet, është hartuar akti konform Vendimit të KPF-së.

Në takimet e kësaj trupe punuese kanë marrë pjesë; kryetari apo nënkryetari i komunës dhe drejtorët e drejtorive komunale, të cilët i kanë arsyetuar çështjet e propozuara sipas fushëveprimtarisë së tyre. Gjithashtu ekzekutivi i komunës në mbledhjet e KPF-a ka dhënë edhe Informacione tjera të nevojshme shtesë aty për aty gojarisht apo në mbledhjen vijuese në formë të shkruar për çështje të ndryshme dhe sipas kërkesave të KPF-a.

Bashkëpunimi i KPF-a me stafin ndërkombëtarë gjatë periudhës raportuese ka qenë në nivelin e duhur. I gjithë materiali i mbledhjes i është dërguar OSBE, të cilët kryesisht i kanë monitoruar mbledhjet. Mbledhjet e KPF-së janë mbajtur me dyer të hapura për medime publike, qytetarë të komunës, OJQ dhe për çdo të interesuar tjetër, ndërkaq janë përcjellë nga Klubit i gazetarëve të Kaçanikut dhe gazetari i të përditshëm "Koha Ditore. Punën e kësaj trupe punuese e ka përcjellë edhe zyrtari për Informim, dhe për aktivitetin e zhvilluar të KPF-a ka bërë një përmbledhje të punimeve të çdo mbledhje dhe të njëjtin e ka plasuar në faqen zyrtare të komunës, duke ia bashkangjitur shkrimin nga një foto të mbledhjes, dhe kjo tregon sesa ka qenë transparente kjo trupë punuese ndaj mediave, OJQ dhe qytetarëve të komunës lidhur me aktivitetin e saj të zhvilluar përgjatë periudhës raportuese.

### **Çështjet e shqyrtuara;**

Komiteti për Politikë dhe Financa gjatë periudhës raportuese i ka shqyrtuar gjithsej : 43 çështje pa e përfshirë Procesverbalin e mbledhjes së KPF i cili ka qenë pikë e parë e rendit të punës në çdo mbledhje. Çështjet e shqyrtuara janë materiale të pregaditura nga shërbimet përkatëse profesionale të komunës. Propozim Vendimet kanë qenë të natyrave të ndryshme. Në kuadër të propozim Vendimeve janë shqyrtuar çështje të cilat kanë të bëjnë me rregullativen normative, çështje buxhetore, raporte dhe programe të punës së ekzekutivit të komunës, propozim vendime të ndryshme të shërbimeve përkatëse profesionale, dhe çështje tjera më rëndësi për komunën. Në vazhdim do të i potencojmë çështjet të cilat kanë qenë në shqyrtim të Komitetit për Politikë dhe Financa;

### **Rregullativa normative;**

Në kuadër të kësaj sfere bëjnë pjesë aktet normative të cilat kanë qenë në shqyrtim të këtij komiteti e që u janë përcjellë Kuvenditë Komunës për shqyrtim dhe miratim. Në këtë drejtim ky Komitet ka shqyrtuar akte normative të propozuara nga shërbimet përkatëse profesionale, dhe ato:

-Propozim Rregulloren për Shërbime Publike;

- Propozim Rregulloren për Ndryshim plotësimin e Rregullores Nr. 05-4236/10 Për pagesën e tarifave dhe ngarkesave administrative dhe shërbime tjera komunale në sektorin e urbanizmit,

- Propozim Rregulloren për Ndryshim plotësimin e Rregullores Nr. 05-4236/10 Për pagesën e tarifave dhe ngarkesave administrative dhe shërbime tjera komunale në sektorin e shërbimeve publike,

-Propozim Rregulloren për Transportin Rrugor në Territorin e Komunës së Kaçanikut,

-Propozim Rregulloren për pagesën e tatimit në pronë në territorin e komunës së Kaçanikut, për vitin 2015,

-Propozim Rregulloren për pagesën e tarifave dhe ngarkesave administrative, gjobave dhe shërbimeve të tjera komunale;

Çështjes së akteve normative në përgjithësi kjo trupë punuese iu kushtuar rëndësi të veçantë, i ka dhënë vërejtjet e saja dhe të njëjtat me Rekomandime të këtij komiteti i janë përcjellë Kuvendit të Komunës për shqyrtim dhe miratim. Vlenë të përmendet se vetëm për tarifën dhe ngarkesat KPF-a ka debatuar në tri mbledhje, dhe në fund ka aprovuar draftin e përmbledhur me të gjitha tarifën dhe ngarkesat për të gjitha të shërbimet komunale. Në këtë drejtim kjo trupë punuese është munduar që në njërin anë të krijoj strategji për krijimin e të hyrave vetjake komunale dhe në anën tjetër, aty ku ka pasur mundësi, ka propozuar tarifa në nivelin që mos të dëmtohet interesi i personave fizik dhe juridik. Në këtë aspekt ka liruar nga disa tarifa dhe ngarkesa rastet sociale dhe kategoritë e dala nga lufta, ndërsa nga pagesa e taksës vjetore janë liruar për 2 vite bizneset që regjistrohen për herë të parë. Edhe tatimit në pronë kjo trupë punuese i ka kushtuar një mbledhje i ka dhënë vërejtjet e saja dhe të njëjtën ia ka adresuar Kuvendit të Komunës, ndërkaq ka dhënë vlerësim pozitiv për Rregulloren e Shërbimeve Publike dhe për Rregulloren për Transportin rrugor për fushat që i rregullojnë këto akte, ndërkaq ka identifikuar nevojën që edhe shërbimet tjera komunale t'i kenë rregulloret e lëmvive të tyre. Kontribut të veçantë në çështjen e rregullativës normative, KPF-a ka dhënë edhe në Debate publike të organizuara më qytetarë.

### **Draftet-Buxhetore dhe Raportet Financiare;**

Si çdo herë kur janë shqyrtuar çështjet buxhetore edhe në vitin 2014, KPF-a i ka kushtuar rëndësi të veçantë; Kornizën afatmesme të shpenzimeve të komunës së Kaçanikut për vitet: 2015-2017 dhe Buxhetit të komunës së Kaçanikut, për vitin fiskal 2015 dhe vlerësimet për vitet 2016-2017. Korniza afatmesme e shpenzimeve është dokument fillestar për hartimin e buxhetit të komunës. Dokumentet përcjellëse që i kanë paraprirë hartimit të buxhetit për vitin 2015 janë: Qarkorja e brendshme buxhetore komunale Nr. 2015/01 dhe Qarkorja e brendshme buxhetore komunale Nr.02/2015- kufijtë buxhetor specifik të drejtorive komunale. Vetëm për Draftin kornizë dhe dokumentet tjera përcjellëse, KPF-a ka debatuar gjerë e gjatë, e ka dhënë mendimin e vet dhe i ka aprovuar dy qarkoret buxhetore, ndërkaq Draftin Kornizë ia ka Rekomanduar Kuvendit të Komunës për shqyrtim dhe miratim. Për qarkoret buxhetore dhe për draftin kornizë janë mbajtur edhe dëgjime publike me qytetarë,

ku përpos organeve të administratës komunale kanë qenë të obliguar të marrin pjesë edhe anëtarët e KPF-a, të cilët në këtë drejtim e kanë dhënë kontributin e tyre.

### **-Projektbugjeti i Komunës për vitin fiskal 2015 dhe kërkesat e projektuara për v.2016 dhe 2017;**

Në këtë dokument, KPF-a i ka dhënë propozimet e veta për projektet që duhet të hyjnë në realizim më buxhetin afatmesëm të komunës për vitet: 2015-2017. Në këtë drejtim Komiteti për Politikë dhe Financa e ka aprovuar Buxhetin e komunës për vitin 2015 në shumë: 6,858.430 €, dhe Projektionet për vitet 2016-2017, në shumat buxhetore : 6,746,143€ € për vitin 2016 dhe: 6,820.698 € për vitin 2017. Edhe në këtë plan afatmesëm buxhetorë, KPF-a i ka futur synimet e veta për secilën veprimtari konform Statutit të Komunës, dhe çdo herë duke iu dhënë prioritet Listës së Projekteve Kapitale. Në këtë drejtim ka aprovuar një Listë me 54 Projekte Kapitale, duke iu dhënë prioritet atyre projekteve që janë me të nevojshme dhe emergjente për komunitetet, ndërsa ka shprehur paknaqësitë e tij në një ndarje shumë të ulët të buxhetit të komunës krahasuar me numrin e popullsisë së kësaj komune më regjistrimet e reja (viti 2011) dhe nevojave të shumëta të kësaj popullate. Duke marrë për bazë faktin se më buxhetin e ndarë për projekte kapitale, nuk mund të realizohen të gjitha projektet e aprovuara sepse disa nga projektet kanë hyrë në listë vetëm sa për të u koduar, mirëpo gjithëherë është menduar në angazhimin e organeve të komunës, në nivelin qendror dhe më gjerë për gjetjen e donacioneve më qëllim që projektet e aprovuara të realizohen. Kontributin e vet për çështjen e buxhetit të komunës, KPF-a e ka dhënë edhe në debatet e organizuara më qytetarë. Pas vlerësimit të thukët nga KPF-a, Projektbuxheti i Komunës për vitin fiskal 2015 dhe Kërkesat e projektuara për vitin 2016-2017, i është përcjellë Kuvendit të Komunës për shqyrtim e miratim.

### **- Raportet Financiare të aprovuara nga KPF-a;**

- Raportin Vjetor Financiar për vitin e përfunduar më 31 dhjetor 2013,
- Raportin Financiar të Komunës së Kaçanikut, për periudhën: janar-mars, 2014,
- Raportin e realizimit të mjeteve buxhetore për periudhën: janar-qershor,2014,
- Raportin e realizimit të mjeteve buxhetore për periudhën, janar-shtator 2014,
- Raporti Final i Audtit të Përgjithshëm dhe Plani i Veprimit lidhur me Pasqyrat vjetore financiare, për vitin e përfunduar me 31.12.2013;

Të çështja e raporteve financiare vlenë të përmendet se, KPF-a,në disa sektorë vlerëson se janë përmbushur objektivat konform planifikimit të të hyrat vetjake komunale, ndërsa në disa sektorë në raport më planifikimin ka qenë më pak i kënaqur dhe këto paknaqësi kjo trupë punuese i ka shprehur tek ekzekutivi i komunës dhe sugjerimet e KPF-a kanë ndikuar në një angazhim më të madh të sektorëve të caktuar që inkasimi i të hyrave vetjake komunale në sektorë të caktuar të shënoj ngritje, ndërkaq KPF-a e vlerëson lartë reduktimin e shpenzimeve në disa pozicione shpenzuese buxhetore që hyjnë në kuadër të kategorisë buxhetore të; Mallrave dhe shërbimeve si; telefoni, mobilje dhe pajisje, derivate për nxemje, si dhe dreka zyrtare. Ndërkaq, si çdo vit tjetër, edhe në vitin 2014, Komiteti për Politikë dhe Financa e vlerëson pozitivisht realizimin e të hyrave vetjake nga Tatimi në Pronë. Një hap pozitiv në vitin 2014 ka shënuar edhe inkasimi i të hyrave na lejet ndërtimore. Në Raportet financiare, vlenë të cekët se KPF-a ka kërkuar sqarime shtesë të shpenzimeve buxhetore në programe të caktuara buxhetore sa herë që janë shqyrtuar raportet financiare aty ku ka patur pakjartësi, ndërsa për çdo shpenzim që ka menduar se është i madh apo më pak i arsyeshëm në raport më nevojat të tjera, ka dhënë vërejtjet e tija, ndërkaq i ka mbështetur

rekomandimet e Zyrës Gjenerale të Auditorit për zbatimin e rekomandimeve të paraqitura si në raportin e vitit 2013. Kur jemi të raportet financiare, vlenë të përmendet se KPF-a ka kërkuar Raport vjetor nga Zyra e Prokurimit për të gjitha procedurat e udhëhequra të tenderimit, ndërkaq kanë sugjeruar Kryetarit të Komunës që Zyra e Prokurimit në bashkëpunim me drejtoritë përkatëse komunale të angazhohen lidhur me projektet për të cilat janë zhvilluar procedurat tenderuese, të realizohen në afatet e përcaktuara kohore, ashtu siç e parasheh Ligji i Prokurimit Publik.

#### **-Propozim Vendimet për çështje financiare;**

Propozim Vendimeve për çështje financiare, KPF-a iu ka kushtuar një rëndësi e veçantë, në këtë drejtim në pamundësi të realizimit të disa projekteve kapitale apo çështje të tjera, kjo trupë punuese ka Rishikuar Buxhetin e komunës për vitin 2014. Në këtë drejtim ka intervenuar në mjetet që nuk kanë arritur të realizohet sipas Listës së projekteve kapitale për vitin 2014, për t'i bartur në ndonjë projekt tjetër kapital, ndërkaq me qëllim që mos të ngelin mjete buxhetore në suficit, KPF ka aprovuar Propozim Vendimi për rialokimin dhe transferin e mjeteve të projekteve kapitale sipas buxhetit të vitit 2014. Nga kategoria e Subvencioneve dhe Transfereve ka lejuar mjete buxhetore për realizimin e projekteve të drejtorisë së Arsimit dhe Kulturës, dhe të Projekteve të drejtorisë së Bujqësisë, Zhvillimit Rural dhe Pylltarisë, me një shpërndarje për projekte sipas Planit buxhetor të propozuar nga këto drejtori, ndërkaq masën drusore të konfiskuar ka vendosur me ua ndarë shkollave, në mënyrë që mjetet e parapara për blerjen e druve për shkolla të destinohen menagjimin e pikës referuese për mbrojtjen e pyjeve. Në aspektin e çështjes buxhetore, KPF-a iu ka kushtuar rëndësi të veçantë edhe ndarjes së bursave të studentëve. Për këtë çështje ka debatuar në dy takime, dhe në këtë drejtim ka propozuar që për vitin akademik 2013/2014, nga shuma e propozuar prej 10.000€ sipas propozim vendimit të kryetarit të komunës, të dyfishohet kjo shumë, duke i ndarë gjithsej 40 bursa për studentë me nga 50 €, ndërkaq e ka aprovuar propozim vendimin për formimin e komisionit për ndarjen e bursave.

Për çdo ndryshim buxhetor të propozuar, KPF-a ka kërkuar sqarime të nevojshme nga propozuesi pse ka ardhur deri të ndryshimet buxhetore, e në veçanti ka kërkuar arsye të projektet kapitale që kanë qenë në listë për realizim e nuk janë realizuar në kohën e përcaktuar. Për të gjitha këto çështje, janë dhënë vërejtjet dhe sugjerimet nga KPF-a dhe të njëjtat i janë Rekomanduar, Kuvendit të Komunës për shqyrtim dhe miratimin e tyre.

KPF, pos tjerash ka kërkuar në vazhdimësi sqarime të nevojshme nga ekzekutivi i komunës se deri ku kanë arritur realizimi i projekteve: Ndërtimit të Palestrës Sportive, dhe Ndërtimi i "Stadiumit të qytetit Besnik Begunca".

#### **Propozim Vendimet për çështje tjera më rëndësi për komunën;**

Ndër Propozim Vendimet tjera të shqyrtuara nga KPF-a kanë qenë:

-Propozim Vendimi për emërtimin e rrugëve të paemërtuara, për këtë çështje ka debatuar në dy mbledhje i ka dhënë vërejtjet e veta aty ku emërtimet e propozuara kanë qenë jashta kritereve të përcaktuara, dhe ka propozuar që të njëjtat të ndyshohen dhe plotësohen duke i harmonizuar me kriteret e përcaktuara.

Edhe çështjes së ndërmarrjeve publike iu ka kushtuar një kujdes i duhur, në këtë drejtim KPF ka aprovuar Propozim Vendimin për formimin e komisionit komunal të aksionarëve për NKP " Stacioni i Autobusave" SH. A- Kaçanik, Propozim Vendimi për themelimin e

komisionit të aksionarëve për KRM "Pastërtia", sh.a- Njësia në Kaçanik dhe Propozim Vendimi për zgjidhjen përfundimtare të statusit të NKP "Lypoteni".

KPF-a duke e parë se është nevojë emergjente caktimi i një lokacioni për Varrezat e qytetit të Kaçanikut, ka kërkuar disa herë nga ekzekutivi i komunës hulumtimin e një lokacioni për këtë destinim. Për këtë çështje është vendosur që përfaqësuesit e subjekteve politike të përfaqësuara në KPF në bashkëpunim me drejtorinë përkatëse të hulumtojnë gjetjen e alternativave të lokacionit dhe të njëjtën t'ia propozojnë KPF-a për shqyrtim. Në këtë drejtim pas hulumtimeve që janë bërë, drejtoria përkatëse ka dalë me Propozim Vendimi mbi Vërtetimin e interesit të përgjithshëm publik për ndërtimin e Stadiumit të qytetit, Vorrezat e dëshmorëve dhe Vorrezat e qytetit; Ky propozim vendim është kërkuar nga KPF të ndahet në dy apo tri propozime dhe i njëjti është realizuar nga drejtoria, dhe kjo çështje Kuvendit të Komunës iu ka përcjallë e ndarë në dy propozim vendime; 1. lokacioni për varreza të qytetit, dhe 2. Lokacioni për stadiumin e qytetit. KPF ka shqyrtuar edhe Propozim Vendimi për ndryshimin e destinimit të parcelës kadastrale 664 të Zonës Kadastrale Kaçanik, nga Plani Zhvillimor Urban i Kaçanikut nga destinimi, shërbime dhe banim individual në zonën për banim kolektiv dhe afarizëm, Propozim Vendimin për Formimin e një Komisioni për hartimin e Rregullores Komunale për caktimin e kushteve elementare të ndërtimeve, në pjesët ku nuk ekziston Plani Rregullativ Urban, deri në miratimin e Planeve Rregulluese Urbane, dhe Propozim Vendimin për formimi e KKSBB, sipas Udhëzimit të ri Administrativ të MAPL dhe MPB. Për të gjitha këto çështje është zhvilluar debat nga KPF, janë dhënë vërejtjet dhe sugjerimet e nevojshme dhe të njëjtat i janë Rekomanduar, Kuvendit të Komunës për shqyrtim dhe miratimin e tyre.

#### **Vendimet;**

Komiteti për Politikë dhe Financa, në kuadër të fushëveprimtarisë së vet ka marrë 07 vendime. Në këtë drejtim vend të posaqëm zënë: 02 dokumentet përcjellëse që kanë shërbyer si bazë për hartimin e buxhetit të komunës për vitin 2015, dhe atë; Qarkorja e brendshme buxhetore komunale Nr. 2015/01 dhe Qarkorja e brendshme buxhetore komunale Nr. 02/2015-. kufijtë buxhetor specifik të drejtorive komunale dhe përgaditja e dorëzimeve buxhetore të drejtorive-programeve buxhetore për vitet 2015-2017, ndërkaq marrë gjithsej 5 Vendime për ndërrimit të destinimit të tokës bujqësore, në tokë ndërtimore, ndërkaq KPF-a sa herë që i adresohen propozim vendime të kësaj natyre, sugjeron ekzekutivit të komunës që të kenë kujdesë për mos cenimin e Planet zhvillimore të komunës në njërin anë dhe në anën tjetër të ruhet tokat bujqësore, sepse fondi i tokave bujqësore në komunën e Kaçanikut është i vogël.

#### **Planet dhe Raportet e Punës dhe çështje të tjera;**

Nga Planet dhe Raportet e Punës kjo trupë punuese ka vënë në shqyrtim;

-Raportin e punës së ekzekutivit të komunës për periudhën, janar-dhjetor, 2013,

-Planin e Punës së Ekzekutivit të Komunës për vitin 2014,

-Informatë për përfundimin e vitit shkollor 2013/2014,

-Planin e Punës së Kuvendit të Komunës për vitin 2015.

-Planin e Vlerësimit të rrezikut nga fatkeqësitë natyrore për komunën e Kaçanikut, dhe çështje të tjera më rëndësi për komunën.

KPF-a i ka shqyrtuar në detaje të gjitha raportet dhe planet e punës të potenuara, ka dhënë vërejtjet dhe sugjerimet e veta dhe të njëjtat ia ka rekomanduar Kuvendit të Komunës në procedurë për shqyrtim dhe aprovim. Vlenë të përmendet se për Planin e vlerësimit të rrezikut ka kërkuar që komuna për çdo vit të ndajë “Fond Emergjent”, me qëllim që në rast të ndonjë fatkeqësie natyrore etj. të intervenohet me fondin e ndarë. Të çështja e arsimit, KPF-a e vlerëson të suksesshëm procesin e shuarjes së kl. të 13, i ka shprehur paknaqësitë e tija lidhur me rezultatet e treguara në provimin e maturës, ndërkaq duhet punuar në segmentin e uljes së mungesave të nxënësve dhe arsimtarëve, ndërkaq ka identifikuar nevojën për ngritjen e cilësisë në arsim, përmirësimin e infrastrukturës së objekteve shkollore, mungesën e mjeteve konkretizuese.

Punët dhe detyrat e punës së KPF-a pregaditen nga një zyrtar i punësuar në Shërbimin për punë profesionale të kuvendit të Komunës. Me angazhimin e këtij zyrtari pregaditen mbledhjet e KPF-a, pregaditet materiali i nevojshëm, përpilohet; Procesverbali i mbledhjes, Vendimet dhe shkresat tjera të dalura nga mbledhjet e kësaj trupe punuese dhe të njëjtat arkivohet për nevojat e Shërbimit Civil të Komunës. Të njëjtat punë Ky zyrtar i kryen edhe për Kuvendin e Komunës dhe për Komitetin për Komunitete.

### **Përfundim**

Komiteti për Politikë dhe Financa është i vetëdijshëm se gjatë periudhës raportuese nuk ka qenë në gjendje të i realizoj të gjitha synimet e veta në drejtim të zgjedhjes së çështjeve si pasojë e së kaluarës dhe me një buxhet të limituar, por angazhimi i tyre jep shpresë se në një të ardhme të afërt dhe me një angazhim permanent në gjetjen e donacioneve etj. gjendja do të përmirësohet. Komiteti për Politikë dhe Financa vlerëson të mira dhe efikase shërbimet e administratës komunale, respektivisht Qendrës për Shërbim të Qyetetarëve, ndërkaq shpreson se do të arrihen rezultate në procesin e Legalizimit të objekteve pa leje- proces ky i cili ndikon edhe në rritjen e buxhetit nga të hyrat vetijake komunale. KPF është i mendimit se veprimtarinë e vet në të ardhmën do t’u orientoj në arritjen synimeve në realizimin e projekteve kapitale më rëndësi ekonomike, duke u bazuar në Planin Zhvillimor Urban dhe në Planin Zhvillimor Komunal dhe realizimin e projekteve kapitale më prioritet sipas Listës së aprovuar për vitin 2015, ndërkaq vlerëson se ka nevojë të bëhet më tepër në këto segmente:

Zhvillimin ekonomik të komunës, Zbutjen e papunësisë, Ngritjen e mirëqenjes sociale, Kujdesin primar shëndetësor, Ngritjen e cilësisë në arsim, Përmirësimin e infrastrukturës shkollore, Ndërtimin e objekteve kulturore dhe sportive (Palestra Sportive dhe Stadiumi i qytetit), Ofërimin e Shërbimeve publike sa më cilësore, Nevojën për shtimin e subvencioneve dhe transfereve në arsim, shëndetësi dhe bujqësi, Përmirësimin e infrastrukturës fizike ( rrugë, ujësjellës dhe kanalizim), Mbrojtjen e ambientit, Zbatimin e rregullave të ndërtimit sipas standardeve, etj.

Shkurt, 2015,

Për Komitetin për Politikë dhe Financa,  
Kryesuesi i Kuvendit, Xhelal Gashi

